

**Gielddaráđdehus****Áigi** 20.02.2023 dmu 14:00 - 19:35**Báiki** Hybridačoahkkín, gielddadálu váldostivrasále dahje Teams-heivehus**Giedahallon áššit**

<b>§</b>	<b>Bajilčála</b>	<b>Siidu</b>
19	Čoahkkima lágalašvuohta ja mearridanváldi	5
20	Beavdegirjedárkkisteaddjiid válljen	6
21	Čoahkkima bargoortnega dohkkeheapmi	7
22	Dili birra oanehaččat	8
23	Gávpenannejeaddji giddodatluobahanalmmuhusat ja gieldda ovdaoastinvuoigatvuođa geavaheapmi	9
24	Váldostivrra 12.1.2023 čoahkkima ollašuhttin	10
25	Gielddaráđdehusa čoahkkimastináiggit giđđat 2023	11
26	Gielddaráđdehusa ovddasteaddji nammadeapmi eallinfápmo- ja teknihkalaš lávdegoddái	12
27	Teknikkalaš doaimma jođiheapmi	13
28	Čuvgehushoavda-rektora virgenamahusa ja gelbbolašvuođaeavttuid rievdadeapmi sihke virggi deavdin	14
29	Ohcejoga gieldda cealkámuš Lappi bieggafápmočielggadusas ja bieggafápmočielggadusa joatkkaprošeavtta mihttomeriin	17
30	Nammadanbivdda Lappi čáziid ja meara dikšuma ovttasbargojovkui badjái 2023-2027	19
31	Eanapolitihkalaš prográmma bargojoavkku barggu mearreáiggi guhkideapmi	20
32	Kohtaamisilla hyvinvointia 2- Ohcejoga skuvlanuoraidbargu -projeakta	23
33	Jagi 2023 válggaid válgalávdegottiid ja -doaibmagotti lahtuid nammadeapmi	25
34	Gaskaboddosaš várrelahtuid nammadeapmi guovddášválgalávdegoddái	27
35	Eanaviidodagaid lonuheapmi	28
36	Ohcejoga báhčínbánaprojeakta	31
37	Gielddainšenevrra virggi vuodđudeapmi	33
38	Ohcejoga luossaguovddáš -čielggadusa álggaheapmi	35
39	Ohcejoga Master Plan -projeavtta ohcan	38
40	Lassemearruhta Sami Game Jam -projektii	41
41	ÄRM-projeavttaid dili birra oanehaččat	43
42	Ruhtadoalu dili birra	44
43	Doaibmaorgánaid mearráduusat	45
44	Áššit diehtun	46

Beavdegirjii dárkkisteaddjit:

<b>Ohcejoga gielda</b>	<b>Beavdegirji</b>	<b>2/2023</b>	<b>2</b>
45	Giddodatbargojoavkku evttohus boares skuvlagiddodagaid geavaheamis		47
46	SámiSoster Rs bivdda searvvi doaimma doarjumis		50

**Oasseváldit**

	Namma	Dmu	Bargu	Lassedieđut
Mielde	Guttorm Väinö	14:00 - 19:35	Ságadoalli	
	Länsman Vesa	14:00 - 16:00	Várreságadoalli	
	Kordelin Marjatta	14:00 - 19:35	Lahttu	
	Pohjanrinne Arto	14:00 - 19:35	Lahttu	
	Niittyvuopio-Valle Laura	14:00 - 19:35	Lahttu	
	Ahlakorpi Anni	14:00 - 19:35	Lahttu	
	Rasmussen Riikka	14:00 - 19:35	Várrelahttu	
	Aikio Mika	14:00 - 19:35	Váldostivrra II várreságadoalli	
Eret	Holmberg Aslak		Lahttu	
	Konttinen Pirjo		Várrelahttu	
	Guttorm Urho		Várrelahttu	
	Hekkanen Eemeli		Várrelahttu	
	Porsanger Veikko		Várrelahttu	
	Jaatinen Eeva		Várrelahttu	
Tapiola Ilmari		Várrelahttu		
Eará	Pieski Taina	14:00 - 19:35	Gielddahoavda, áššemeannudeaddji	
	Länsman Marja	14:00 - 19:35	Beavdegirjedoalli	
	Aikio Maria Sofia	14:00 - 19:35	Tulka	

**Vuolláičállosat**Väinö Guttorm  
ságadoalliMarja Länsman  
beavdegirjedoalli**Gieđahallon áššit**

19 - 46

**Beavdegirji dárkkisteapmi**

Dárkkistanáigi 20.2.2022

Anni Ahlakorpi

Arto Pohjanrinne

**Beavdegirji lea dollojuvvon albmosis**

Gielldadállu, guovddášdoaimmahat 27.02.2023

Minna Lukkari  
almmuhantávvala dikšu

---

Čoahkkima lágalašvuohta ja mearridanváldi

Gr 20.02.2023 § 19

Gávnnavuvvo, ahte čoahkkin lea lágalaččat čoahkkái bovdejuvvon ja mearridanválddálaš.

**Mearrádus:**

Gávnnavuvvui, ahte čoahkkin lea lágalaččat čoahkkái bovdejuvvon ja lea mearridanválddálaš.

Beavdegirjedárkkisteaddjiid välljen

Gr 20.02.2023 § 20

Válljet čoahkkimii guokte beavdegirjedárkkisteaddji.

**Mearrádus:**

Beavdegirjedárkkisteaddjin välljejuvuiga Anni Ahlakorpi ja Arto Pohjanrinne.

Čoahkkima bargoortnega dohkkeheapmi

Gr 20.02.2023 § 21

**Evttohus:**

Gielddaráđdehus dohkkeha áššiid gieđahallanortnega čoahkkima evttohuslisttu mielde.

**Mearrádus:**

Ságadoalli evttohii, ahte lasseáššin gieđahallojit  
Giddodatbargojoavkku evttohus boares skuvlagiddodagaid  
geavaheamis ja SámiSoster Rs bivdda searvvi doaimma doarjumis.

Vesa Länsman evttohii, ahte paragrafa 36 Ohcejoga  
báhčínbánaprojeakta gieđahallo listtus vuosttasin.

Gieđahallanortnet dohkkehuvvui evttohuslisttu mielde oktan  
ságadoalli ja Vesa Länsman evttohan nuppástusaiguin.

Dili birra oanehaččat

Gr 20.02.2023 § 22

Gielddahoavda muitala áigeguovdilis áššiid birra oanehaččat.

**Evttohus:**

Merkejuvvo diehtun.

**Mearrádus:**

Gielddahoavda muitalii áigeguovdilis áššiid birra oanehaččat.

Merkejuvvui diehtun.



Gávpenannejeaddji giddodatluobahanalmmuhusat ja gieldda ovdaoastinvuoigatvuoda geavaheapmi

Gr 20.02.2023 § 23

Gildii leat boahtán 2 st gávpenannejeaddji giddodatluobahanalmmuhusat, listu giddodatluobahanalmmuhusain lea lassemateriálan. Giddodatluobahanalmmuhusat leat ollislaččat oaidninláhkai čoahkkimis.

Ovdaoastinlága mielde ovdaoastinvuoigatvuoda geavahettiin mearrádussii, oažžuba oasti ja vuovdi ohcat nuppástusa hálddahasriektái váidimiin.

Gieldda mearrádussii leat geavakeahtta ovdaoastinvuoigatvuoda ii sáhte ohcat nuppástusa váidimiin.

**Evttohus:**

Gielddaráđđehus merke diehtun gávpenannejeaddji giddodatluobahanalmmuhusaid ja mearrida ahte gielda ii geavat ovdaoastinvuoigatvuoda gávppi čuozáhagaide.

**Mearrádus:**

Evttohus dohkkehuvvui.

Váldostivrra 12.1.2023 čoahkkima ollašuhttin

14/00.02.00/2023

Gr 20.02.2023 § 24

Gieldalága mielde gielddaráđđehus bearráigeahččá váldostivrra mearrádusaid lágalašvuoda.

Jos gielddaráđđehus gávnna, ahte váldostivrra mearrádus lea dahkkon boasto ortnegis dahje lea viidásut go váldostivrra doaibmaváldi dahje lea muđuid lága vuostá, gielddaráđđehus ii galgga ollašuhttit mearrádusa. Ášši galgá jođánamos lági mielde doalvut váldostivrii ođđasitgiedahallamii.

Miellodusin čoahkkima áššelistu. Váldostivrra mearrádusat leat leamašan oaidninláhkai 19.1.2023.

**Evttohus:**

Gielddaráđđehus gávnna, ahte váldostivrra mearrádusat leat lágalaččat ja ollašuhttingelbbolaččat. Gielddaráđđehus ollašuhttá daid.

**Mearrádus:**

Evttohus dohkkehuvvui.

Mildosat

Miellodus 1

Váldostivrra 12012023 bovdehus

Gielddaráđdehusa čoačkkimastináiggít gíđđat 2023

9/00.02.01/2017

Gr 20.02.2023 § 25

Ohcejoga gieldda hálddahusnjuolggadusa 129 § mielde doabmaorgána mearrida aitosaš čoačkkimiiddis áiggi ja báikki.

Čoačkkín dollojuvvo maiddáí dalle go ságadoalli gávnnaha čoačkkima dárbbášlažžan dahje eanetlohku doabmaorgánaid lahtuin dahká ságadoallái evttohusa čoačkkimastimis almmuhuvvon ášši giedahallama dihtii. Dán dilis ságadoalli mearrida čoačkkima áiggi.

Ságadoalli sáhtá ákkastallon sivas heaittihit čoačkkima.

**Evttohus:**

Gielddaráđdehus mearrida gíđa 2023 aitosaš čoačkkimastinbeaivin 29.3, 2.5 ja 5.6. Gielddaráđdehus sáhtá dárbbu mielde doallat badjelmearálaš čoačkkimiid. Čoačkkimat dollojuvvojit gielddadálus dmu 13.00 rájes hybridačoačkkimin.

**Mearrádus:**

Evttohus dohkkehuvvui.

Juohkin

Gielddaráđdehusa lahtut

Giieldaráđdehusa ovddasteaddji nammadeapmi eallinfápmo- ja teknihkalaš lávdegoddái

56/00.02.01/2021

Gr 20.02.2023 § 26

Hálddahusnjuolggadusa 136 § mielde giieldaráđdehus sáhtta meroštallat eará doaibmaorgánaide iežas ovddasteaddjiid, geain lea mieldeorrun- ja hállanvuoigatvuohta doaibmaorgána čoahkkimis. Ovddasteaddjin sáhtta meroštallat maiddái giieldaráđdehusa várrelahtu dahje giieldahoavdda. Ovddasteaddji ii goittotge nammaduvvo dárkkistanlávdegoddái, váldostivra gaskaboddosaš váljagoddái iige válgalágas ásahuvvon válgadoaibmaorgánaide.

#### **Evttohus:**

Giieldaráđdehus nammada 1-2 ovddasteaddji odđa vuodđuduvvon eallinfápmo- ja teknihkalaš lávdegoddái giieldaráđdehusa doaibmabadjái 2023.

#### **Mearrádus:**

Ságadoalli evttohii, ahte giieldaráđdehus nammada guokte ovddasteaddji eallinfápmo- ja teknihkalaš lávdegoddái. Evttohus dohkkehuvvui ovttamielaláččat.

Arto Pohjanrinne evttohii joavkku beales, ahte ovddasteaddjin nammaduvvo Marjatta Kordelin.

Laura Niittyvuopio-Valle almmuhii leat gárvvis nubbin ovddasteaddjin.

Giieldaráđdehus nammadii Marjatta Kordelin ja Laura Niittyvuopio-Valle ovddasteaddjin eallinfápmo- ja teknihkalaš lávdegoddái.

Boddu dmu 16.00-16.15. Bottu maŋŋá ságadoalli čadahii nammačuorvuma. Merkejuvvui beavdegirjái, ahte Vesa Länsman vulggii čoahkkimis dmu 16.00.

Juohkin

Eallinfápmo- ja teknihkalaš lávdegoddi  
Nammaduvvon ovddasteaddjit

Teknikkalaš doaimma jodiheapmi

180/01.01.03/2013

Gr 20.02.2023 § 27

Čakčamánu 2022 rájes fámus leamašan ordnedeapmi, mas eallinfápmohoavda lea iežas doaimma lassin dikšon maidái teknikkalaš doaimma jodihanbargguid, leamašan dan meare hástaleaddji ahte eallinfámu nannema ja ovdánahttima eavttut leat áitojuvvon. Eallinfápmohoavdda galgá luvvet teknikkalaš doaimma jodihanovddasvástádusas.

Ášši hohpolašvuoda dihtii ságadoalligoddi čoahkkani 12.1.2023 ja ledje ovtta oaivilis das, ahte teknikkalaš doaimma jodiheami ovddasvástádus sirdojuvvo gielddahovdii 16.1.2023 rájes. Gielddahoavda dikšu barggu iežas doaimma lassin.

Dát ordnedeapmi ii leat oanehaš gaskaboddosaš hálddahushoavddaidda sadjásašvuoha, muhto lea fámus dassázii go teknikkalaš doaimma jodiheami oažžut ortnegii. Ođđa virggiid vuodđudeapmái eai leat dán jahkái mearreruđat. Ášši galgá goittotge čoavdit dán jagi loahpa rádjai, vai teknikkalaš doaimma organiserejuvvon jodiheapmi lea jođus dalán jagi 2024 álggus.

**Evttohus:**

Gielddaráđdehus dohkkeha teknikkalaš doaimma jodiheami ordnedemiid válmmaštallama mielde.

**Mearrádus:**

Evttohus dohkkehuvvui.

Čuvgehuslávdegoddi

§ 6

01.02.2023

Gielddaráđdehus

§ 28

20.02.2023

---

Čuvgehushoavda-rektora virgenamahusa ja gelbbolašvuodaeavttuid rievdadeapmi sihke virggi deavdin

1/01.01.00/2023

Čuvglg 01.02.2023 § 6

Čuvgehushoavda-rector Virpi Veskonieni lea cealkán iežas eret virggistis 1.4.2023 rájes sirdásettiin nuppi gieldda virgái. Son lea dan ovdal jahkeluomus ja gielddaráđdehus lea mearridan čuvgehushoavda-rektora sadjásažžan astoáigečálli Kaisa Tapiola-Länsman 13.1.2023 rájes dassáži, go virgi lea devdojuvvon ja ođđa hoavda lea álggahan virggis.

Dálá čuvgehushoavda-rektora virgái gullet čuvgehusdoaimma jodiheapmi doaimmasuorgejodiheadjin ja Gáregasnjárgga ja Njuorggán skuvllaid ja rávesolbmuidskuvlla rektora barggut. Gelbbolašvuodaeavttut mearrašuvvet oahpahasdoaimma gelbbolašvuodagáibádusaid birra addon ásahusa 986/1998 mielde.

Ohcejoga váldostivra lea mearridan čuvgehusdoaimma organisašuvdnaođastusas 6.5.2021. Mearrádusa mielde čuvgehushoavda-rektora virggis váldojuvvojit eret Gáregasnjárgga ja Njuorggán skuvllaid rektora barggut ja čuvgehusdoaimmii vuodđuduvvo ođđa rektora virgi, masa gullet Gáregasnjárgga ja Njuorggán skuvllaid rektora barggut. Rektora virggi gelbbolašvuodaeavttuid meroštallá OVBES (OVTES). Rektora giellamáhtu gáibádussan lea suoma- ja sámegiela máhttu. Seamma oktavuodas Gáregasnjárgga skuvlla veahkkerektora virgi heaittihuvvo dálá virgedoalli sirdásettiin Gáregasnjárgga skuvlla oahpaheadji virgái 1.8.2023 nu mo son ovdal lea ohcan. Njuorggán skuvllas seailu veahkkehoavda.

Váldostivrra mearrádus 6.5.2021 váidojuvvui hálddahasriektái. Davvi-Suoma hálddahasrievtti mearrádusa 1483/2022, 7.11.2022 mielde Gáregasnjárgga skuvlla veahkkerektora virggi heaittiheapmái ja organisašuvdnaođastusa ollašuttimii dán oasis eai leat eastagat. Čuvgehuslávdegoddi sáhhtá bidjat Gáregasnjárgga ja Njuorggán skuvllaid rektora virggi rabas. Virgái galget gullat maid rávesolbmuidskuvlla rektora barggut, mas maid eaktuduvvo rektora gelbbolašvuolta ja sámegiela máhttu suomagiela lassin.

Go sode-bálvalusat sirdásedje buresveadjinguovllu ovddasvástádusa vuollái, gildii báhce ain dihto barggut mat laktásit gieldda olbmuid dearvvasvuoda ja buresveadjima ovddideapmái, sihke boarrásiid- ja lápmásiidráđiid doaimma doarjja. Ohcejoga gielddas eai leat dát barggut vel biddjon mange hálddahasgotti ovddasvástádusa vuollái. Buresveadjima ja dearvvasvuoda ovddideami barggut eai lean sierra resurserejuvvon ovddit sosiála- ja dearvvasvuodadoaimmas. Gielda sáhhtá ieš mealgat mearridit, makkár resurssaiguin barggut dás ovddos dikšojuvvojit ja mo

Čuvgehuslávdegoddi  
Gielddaráđdehus

§ 6  
§ 28

01.02.2023  
20.02.2023

---

ovdamearkka dihte projeaktaruhtadeapmi gažaldatvuloš doaimmas adnojuvvo ávkin.

Go čuvgehushoavdda virggis báhcet eret golbma rektorodoaimma, lea lunddolaš geahčadit hoavdda virggi vuollái ovddasvástádusa eará bargguin. Gieldda doaimma dáfus lea lunddolaš laktit dáid dearvvasvuoda ja buresveadjima ovddideapmái laktáseaddji bargguid čuvgehusdoaimma ovddasvástádusa vuollái, mii vástida maiddá gieldda kultur- ja astoáiggedoaimmain. Ášši gáibida gieldda hálddahunjuolggadusa ođasmahttima bargolasáhusa oasil. Dearvvasvuoda ja buresveadjima ovddidanbarggut heivejit lunddolaččat čuvgehushoavdda jođihanovddasvástádusa vuollái nu mo mánggain gielddain lea mearriduvvon dahkkot.

Seammás lea vejolaš árvvoštallat, mo dán dilis gieldabargoaddi bargoveaga ja bargoburesveadjima ovddidanbargguid lea vejolašvuolta dikšut, go virgeresurssat leat váni gieldda ekonomijadili geažil, muhto bargoveaga ja bargoburesveadjima ovddideapmi lea jo jagiid áigge oidnon gielddas akuhta ovddidančuozáhahkan. Dán sivas gielddahoavda evttoha gielddaráđdehussii, ahte ođđa čuvgehushoavda gean virgenamahus rievdaduvvo buresveadjinhoavdan, vástida ja doarju ovtas gielddahoavddain maid bargoveaga ja bargoburesveadjima ovddideamis.

Evttohus gielddaráđdehussii ja váldostivrii:

1. Evttohuvo čuvgehushoavda-rektora virgenamahus rievdaduvvot buresveadjinhoavdan, gii vástida gieldda čuvgehusdoaimma sihke buresveadjima ja dearvvasvuoda ovddideami jođiheamis. Buresveadjinhoavda vástida maid bargoveaga ja bargoburesveadjima ovddideamis. Gieldda sáhtta mearridit virggi gelbbolašvuoda eavttuid birra. Buresveadjinhoavdda virggi lea ulbmil bidjat rabas guovvamánus gielddaráđdehusa ja váldostivrra dahkan mearrádusaid maŋŋá.

2. Gieldda hálddahunjuolggadussii dahkkojit čuovvovaš nuppástusat čuvgehusdoaimma vástusuorgái:

- Čuvgehusdoaimma vástusuorgái lasihuvvo dearvvasvuoda ja buresveadjima ovddideapmi
- Čuvgehushoavda-rektora virgenamahus rievdaduvvo čuvgehus- ja buresveadjinhoavdan

Ášši válmmaštalai gielddahoavda Taina Pieski ja vd. čuvgehushoavda-reaktor Kaisa Tapiola-Länsman.

**Evttohus:**

Čuvgehuslávdegoddi merke diehtun gielddahoavdda ráhkadan válmmaštallama ja mearrádusevttohusa.

Čuvgehuslávdegoddi  
Gielddaráđdehus

§ 6  
§ 28

01.02.2023  
20.02.2023

---

Čuvgehuslávdegoddi bivdá gielddaráđdehusas ja váldostivrras ahte rávesolbmuidskuvlla rektora barggut galget gullat vuodđudanláhkai leahkki Gáregasnjárgga ja Njuorggán skuvlla rektora bargguide, dasgo dáid osiin virggi doaibmagovva ii vástit váldostivrra dohkkehan ođđa čuvgehusdoaimma organisašuvdnaráhkadusa.

#### **Mearrádus:**

Mearrádus evttohusa mielde.

Gr 20.02.2023 § 28

#### **Evttohus:**

1. Evttohuvo váldostivrii čuvgehusdoaimma-rektora virgenamahuš rievdaduvvot buresveadjinhuoavdan, gii vástida gieldda čuvgehusdoaimma sihke buresveadjima ja dearvvasvuoda ovddideami jodiheamis. Buresveadjinhuoavda vástida maid bargoveaga ja bargoburesveadjima ovddideamis. Virggi gelbbolašvuoda eavttut leat: bajit allaskuvladutkkus, čuvgehusdahuš buresveadjindoaimmasuorggi dovdan ja doarvái buorre gielddahálddahuš ja ruhtadoalu dovdámuš. Mii atnit arvvus buriid ovttasbargo- ja gulahallandáidduid ja oainnuid bargiidovdánahttinbarggus. Sámegeala máhttu ja sáme kultuvrra dovdan gehččo erenomáš ánsun.
2. Addit gielddahovdii vuoigatvuoda ráhkadit ohcanalmušuš váldostivrra mearrádusa maŋŋá ja álggahit ohcanproseassa. Virggi sáhtta deavdit 1.5.2023 rájes. Váldostivra dahká mearrádusa gielddaráđdehuša evttohuša vuodul.
3. Evttohit váldostivrii ahte rávesolbmuidskuvlla rektora barggut gullet ođđa Gáregasnjárgga ja Njuorggán skuvlla rektora bargguide, daningo dáid osiin virggi barggut eai vástit čuvgehusdoaimma ođđa organisašuvdnaráhkadusa, man váldostivra lea dohkkehan.
4. Gieldda hálddahušnjuolggadussii dahkkojit čuoovvaš nuppástusat:
  - Čuvgehusdoaimma vástusuorgái lasihuvvo dearvvasvuoda ja buresveadjima ovdánahttin. Dát ovddasvástáduš váldo eret gielddaráđdehušas.
  - Čuvgehusdoaimma-rektora virgenamahuš rievdaduvvo buresveadjinhuoavdan

#### **Mearrádus:**

Evttohus dohkkehuvvui.

Juohkin

Váldostivra

Beavdegirjii dárkkisteaddjit:



Ohcejoga gieldda cealkámuš Lappi bieggafápmočielggadusas ja bieggafápmočielggadusa joatkkaprošeavtta mihttomeriin

9/00.04.00/2023

Gr 20.02.2023 § 29

Lappi lihtus lea gárvánan 5.12.2022 Birasministeriija vehkiin Lappi bieggafápmočielggadus 2022. Čielggadusa guovddáš ulbmilin lei gávdnat vejolaš guovlluid bieggafápmobuvttadeapmái eanagottelávvea vuodđun ja eanangeavahan- ja huksenlága 9 § mielde dahkat doarvái buori čielggadeami ja mearkkašahti váikkuhusaid árvvoštallama vejolaš eanangoddelávvea vuodđodiehtun ja gielddalávvea doarjjan.

Lappi lihttu bivdá gielddain cealkámuša gárvánan Lappi bieggafápmočielggadusas ja bieggafápmočielggadusa joatkkaprošeavtta mihttomeriin 28.2.2023 rádjái.

Lappi bieggafápmočielggadus 2022 ovttas mildosiiguin gávdno Lappi lihtu neahttasiidduin  
<https://www.lapinliitto.fi/aluesuunnittelu/lapin-tuulivoimaselvitys-2022-hanke/>

Lappi bieggafápmočielggadusas 2022 ii lean mielde sámiid ruovttuguovlu.

Lappi lihttu ozai Birasministeriijas ruhtadeami bieggafápmočielggadusa joatkagii ja dat mieđihuvvui 20.12.2022. Joatkkaprošeavtta mihttomearrin lea viiddidit ráhkaduvvon Lappi bieggafápmočielggadusa 2022 vejolaš ođđa guovlluiguin (gielddaid ja eará oassebeliid evttohusat váldojit vuhtii). Ulbmilin lea čielggadit fidnodoaimiid dakkár fidnuid, mat eai leat almmolaččat ja dárkkálmahttit oktasašváikkuhusaid árvvoštallama.

Joatkkačielggadusas čielggaduvvo maiddái bieggafápmopotensiála sámiid ruovttuguovllus. Válmmaštalli báikeditoanalysa maŋŋá bieggafápmui vejolaččat heivvolaš guovllut sámiid ruovttuguovllus soitet gávdnot Eanodaga máttaosiin, Avvila gieldda čoahkkebáikki lahkosiin, Soađegili dahkujávrriid lahkosiin. Ohcejogas eai jáhkkinimis gávdno guovllulaš sturrodaluohká potensiála bieggafápmoguovllut.

### **Evttohus:**

Gielddaráđdehus dohkkeha gieldda cealkámuša Lappi bieggafápmočielggadussii.

### **Mearráduš:**

Evttohus dohkkehuvvui.

Juohkin

Lappi lihhtu

Nammadanbivdda Lappi čáziid- ja mearadikšuma ovttasbargojovkui doaibmabadjái 2023-2027

112/00.04.02/2016

Gr 20.02.2023 § 30

Lappi ealáhus-, johtolat- ja birasguovddáš lea bivdán gieldda nammadit ovddasteaddji ja sutnje várreolbmo Lappi čáziid- ja mearadikšuma plánema ovttasbargojovkui 28.2.2023 rádjai nu, ahte dásseárvolága gáibádusat vuhtiiváldojit.

Ovttasbargojoavkku bargun lea oassálastit čáziiddikšunplána ja doaibmabidjoprográmmaid válmmaštallamii ja maiddái daid ollašuhhtimii. Bargguin galgá maid láchčit vejolašvuodaid plánema oktiiheiveheapmái čáziiddikšunplánaid, dulvedirektiivvaid ja mearrastrategiijadirektiivvaid mielde.

**Evttohus:**

Gielddaráđdehus nammada ovddasteaddji ja sutnje várreolbmo Lappi čáziid- ja mearadikšuma ovttasbargojovkui nu, ahte dásseárvolága gáibádusat vuhtiiváldojit.

**Mearrádus:**

Anni Ahlakorpi evttohii, ahte Aulis Nordberg nammaduvvo ovddasteaddjin ovttasbargojovkui. Ságadoalli evttohii, ahte Riikka Rasmussen nammaduvvo várreolmmožin ovttasbargojovkui. Evttohusat dohkkehuvvojedje ovttamielaláččat.

Juohkin

Lappi EJB-guovddáš  
Nammaduvvon ovddasteaddjit

Gielddaráđdehus

§ 187

28.11.2022

Gielddaráđdehus

§ 31

20.02.2023

Eanapolitihkalaš prográmma bargojoavkku barggu mearreáiggi guhkideapmi

32/10.00.00/2020

Gr 28.11.2022 § 187

Eananpolitihkalaš prográmma lea gielddaid bargoneavvu meroštallat eananpolitihkalaš ulbmiliid ja prinsihpaid. Eananpolitihkalaš prográmma lea váldostivrra dohkkehan áššegirji. Eananpolitihkalaš prográmma birra lea rávvejuvvon, ahte dan galggašii mannat čađa ja dárbbu mielde dárkkistit juohke váldostivrabajis dahje jus gieldda guovddáš ulbmilat rivdet mearkkašahti olu.

Eananpolitihkalaš prográmma vuodđuduvvá Ohcejoga gielldastrategiijai. Prográmma okta guovddáš ulbmil lea profileret iežas gielddan, gos lea alladásat ja plánavuloš servodatráhkadus. Eananpolitihkka berre ovddidit Ohcejoga ovdáneami sosiálalaččat suvdilit ja dássedettolaččat sihke váldit vuhtii biras- ja dálkkádatpolitihka ulbmiliid. Eananpolitihkka doallá suttis gieldda doaimmaid, mat laktásit eanaháhkamii, lávvabargui, eanaluohpadeapmái ja haddemeroštallamii, sierralágan eanangeavaheapmái guoski soahpamušaid gárvviteapmái, eatnanhálddašeapmái sihke sajádatlávaidd ollašuvvama ovddideapmái. Strategalaš eananpolitihkka doarju eanangeavaheami perspektiivvas geahčadettiin sierra ealáhusaid ovdáneami ja bálddalagaid eallima.

Teknikkalaš lávdegoddi lea 11.10.2022 čoahkkimis mearridan, ahte Ohcejoga gildii gárvvistuvvo eananpolitihkalaš prográmma ja ahte teknikkalaš lávdegoddi gilvalahtá konsultta válmmaštallat barggu.

Gielddas lea álgimin gielldastrategiija ođasmahttin. Guktot áššegirjiit bohtet stivret gieldda eanangeavaheami. Gielldastrategiija válmmaštallamis besset gielddalaččat leat mielde. Seamma oasálašvuodaovddidandilálašvuodain bohtet čoaggit gielddalaččain oainnuid maid eanangeavaheami gažaldagain. Áššegirjiid ovttáigásaš válmmaštallan veahkeha juksat eanangeavaheami gažaldagain strategalaš čavde oppalašvuoda. Ulbmilin lea, ahte guktot áššegirjiit livčče gieldda váldostivrra gieđahallamis geassemánu 2023 čoahkkimis.

Gieldda váldostivrra čoahkkimis 27.10.2022 evttohuvvui, ahte gielddaráđdehus galggašii välljet luohttámušolbmui ja virgehálddašeaddjiin čohkkejuvvon bargojoavkku jodihit eananpolitihkalaš prográmma gárvviteami.

**Evttohus:**

Giieldaráđdehus

§ 187

28.11.2022

Giieldaráđdehus

§ 31

20.02.2023

Giieldaráđdehus nammada eananpolitihkalaš prográmma bargojoavkku ja bargojovkui ságadoalli. Bargojoavku boahdá doaimmat eananpolitihkalaš prográmma gárvvisteami stivrenjoavkun.

**Mearráduš:**

Anni Ahlakorpi evttohii, ahte Mika Aikio nammaduvvo bargojovkui. Marjatta Kordelin evttohii, ahte giieldahoavda Taina Pieski, Väinö Guttorm, Veikko Porsanger ja Eemeli Hekkanen nammaduvvojit bargojovkui. Vesa Länsman evttohii, ahte Laura Niittyvuopio-Valle nammaduvvo bargojovkui. Väinö Guttorm evttohii, ahte eallinfápmohoavda Tanja Lepistö ja Arto Pohjanrinne nammaduvvoba bargojovkui. Anni Ahlakorpi evttohii, ahte giddodatinšenevra Mirja Savolainen nammaduvvo bargojovkui. Väinö Guttorm evttohii, ahte giieldahoavda Taina Pieski válljejuvvo bargojoavkku ságadoallin ja giddodatinšenevra Mirja Savolainen bargojoavkku čállin.

Evttohusat dohkkehuvvojedje ovttamielalaččat.

Gávnnahuvvui, ahte bargojoavkku doaimmabadi lea 30.6.2023 rádjai.

## Gr 20.02.2023 § 31

Giieldaráđdehus lea ásahan 28.11.2022 § 187 bargojoavkku válmmaštallat Ohcejoga gildii eananpolitihkalaš prográmma geassemánu 2023 loahpa rádjái váldostivrii dohkkehanláhkai. Bargojoavku ohcá barggu válmmaštallamii lasseáiggi golggotmánu 2023 loahpa rádjái.

Eananpolitihkalaš prográmma bidjá iežas oasil Ohcejoga gieldda ođđa gieldatastrategiija, man lea dárkkuhus dohkkehit geassemánuš, doaimmat. Prográmma gárváneami lasseáigi lea dárbbášlaš vai eananpolitihkalaš prográmma válmmaštallamis lea vejolaš váldit vuhtii gieldatastrategiija girjemiid. Dan lassin gielddaolbmuid ja eará eananpolitihka hárrái guovddáš čanastatjoavkkuid berret gullat válmmaštallama áigge.

Eananpolitihkalaš prográmma girjemiidda sáhttet leat váikkuhusat maiddá eatnangotte dási strategiijain ja čielggadusain, main válmmaštallama vuolde lea Davvi-Lappi eatnangoddelávva 2040 ja Lappi lihtu bieggafápmočielggadusa joatkka sámevuovllus. Dát čielggadus ii árvalusaid mielde gárván vel giđdat. Eananpolitihkalaš prográmma válmmaštallamis ávkkástallat maiddá turisma ja eanangeavaheami oktasaš ságastallamiid, maid giieldahoavda lei bovdén čoahkkái. Eananpolitihkalaš prográmma válmmaštallama doarjjan hánket konsultta, guhte searvá válmmaštallamii easka guovva-njukčamánuš.

Gielddaráđdehus

§ 187

28.11.2022

Gielddaráđdehus

§ 31

20.02.2023

---

**Evttohus:**

Gielddaráđdehus joatká bargujoavkku doaibmabaji 31.10.2023 rádjai.

**Mearráduš:**

Evttohus dohkkehuvvui.

Juohkin

Eananpolitihkalaš prográmma bargujoavku

Čuvgehuslávdegoddi

§ 15

01.02.2023

Gielddaráđdehus

§ 32

20.02.2023

Kohtaamisilla hyvinvointia 2- Ohcejoga skuvlanuoraidbargu -projeakta

3/12.05.02/2023

Čuvglg 01.02.2023 § 15

Astoáigedoaimma lea fidnen Lappi AVI:s 34 000 € doarjaga skuvlanuoraidbargi bálkáheami várás Ohcejohkii. Doarjaga geavahanáigi lea 1.1.2023-31.12.2024. Projeavtta iežasvástuoassi lea 10 % ja ollašuvvan oppalašgoasttádusat galget leat unnimustá 37 777,78 euro. Doarjagiin sáhtá bálkáhít skuvlanuoraidbargi gildii sullii jahkái. Skuvlanuoraidbargi bálkáhuvvošii 1.8.2023 rájes, ná son livččii barggus 2023-2024 lohkanjagi lohppii ja geassit 2024.

Golloárvoštallan projektii lea 37 778 euro, gieldda iežasvástuoassi lea 3778 euro. Jagi 2023 iežasvástuoasi 1 574 €, sáhtá sirdit projeavtta várás nuoraiddoaimma geavahanruhtadoalus.

	Jahki 2023	Jahki 2024	Oktiibuot
Boađut	14 167 €	19 833 €	34 000 €
Manut	15 741 €	22 037 €	37 778 €
Netto	-1 574 €	-2 204 €	-3 778 €

Ášši válmmaštallat astoáigečáli Kaisa Tapiola-Länsman.

#### **Evttohus:**

Čuvgehuslávdegoddi evttoha gielddaráđdehussii ja ain váldostivrii

1. lassemearreruđa miediheami Kohtaamisilla hyvinvointia 2- Ohcejoga skuvlanuoraidbargu -projektii válmmaštallama mielde jahkái 2023,

2. miediha projektii álggahanlobi ja projeavtta várás vuodđuduvvo gollosadji,

3. jagi 2023 oasil projeavtta iežasvástuoassi 1574 €, sirdojuvvo nuoraiddoaimma geavahanruhtadoalus,

4. jagi 2024 oasil projeakta váldo vuhtii bušehta ráhkadeamis

Čuvgehuslávdegoddi mearrida, ahte jos váldostivra miediha projektii lassemearreruđa, skuvlanuoraidbargi mearreáigásaš doaimma áigodahkii 1.8.2023-31.7.2024 biddjo rabas ohcamii váldostivrra mearrádusa manjá.

Čuvgehuslávdegoddi

§ 15

01.02.2023

Gielddaráđdehus

§ 32

20.02.2023

---

**Mearrádus:**

Mearrádus evttohusa mielde.

Gr 20.02.2023 § 32

**Evttohus:**

Gielddaráđdehus evttoha váldostivrii dohkkehanláhkaí lassemearreruđa Kohtaamisilla hyvinvointia 2 – Ohcejoga skuvlanuoraidbargu -projektii manut 15741 €, boadut 14167 €, netto 1574 €. Nettooassi gokčojuvvo nuoraiddoaimma geavahanruđain. Jagi 2024 oasil projeakta vuhtiiváldo bušeahta ráhkadettiin.

**Mearrádus:**

Evttohus dohkkehuvvui.

Juohkin

Váldostivra



Jagi 2023 válggaid válgalávdegottiid ja -doaibmagotti lahtuid nammadeapmi

69/00.00.00/2022

Gr 20.02.2023 § 33

Giieldaráđđehus galgá áiggil ovdal válggaid ásaht juohke jienastanguovllu várás válgalávdegotti. Válgalávdegoddái gullet ságadoalli, várreságadoalli ja golbma aitosas lahtu ja doarvái várrelahtut, goittotge unnimustá golbma.

Válgadoaibmagoddái galgá nammadit ságadoalli, várreságadoalli ja ovttá aitosas lahtu ja doarvái várrelahtuid, goittotge unnimustá golbma.

Válgalávdegotti lahtun dahje várrelahtun ii sáhte leat evttohas. Válgalávdegotti doaimmas ii čuvvojuvvo hálddahuslága easttalašvuodaheiveheapmi.

Válgadoaibmagotti lahtun dahje várrelahtun ii sáhte leat evttohas eaige su guoibmi, mánát, oarbinat dahje vanhemat. Válgadoaibmagotti doaimmas ii čuvvojuvvo hálddahuslága easttalašvuodaheiveheapmi.

Jagis 2022 dollojuvvon válggaid válgalávdegottiid ja -doaibmagotti lahtut leat nammaduvvon ná:

Vuovdaguoikka válgalávdegoddi: Ságadoalli Riitta Orti-Berg, várreságadoalli Jorma Olavi Nuorgam ja lahtut Tanja Niittyvuopio, Tarmo Pieski ja Niilo J. Rasmus ja várrelahtut Antti Piera Valle, Hansa Rasmus, Marjo Leed, Tanja Boren ja Samuel Paltto.

Girkosiidda válgalávdegoddi: Ságadoalli Tarja Halonen, várreságadoalli Marketta Vuolab ja lahtut Kari Keskinen, Oili Karpoff ja Torkell Rasmussen ja várrelahtut Liisa Valle, Ossi Pursiheimo, Erkki Malin, Leena Aikio ja Armas Nuorgam.

Njuorggán válgalávdegoddi: Ságadoalli Matti Junttila, várreságadoalli Johannes I. Halonen ja lahtut Aslat Jon Länsman, Titta Länsman ja Olavi Guttorm ja várrelahtut Elli Aurala, Mia Koistinen, Esa Simonen, Lasse Johansen ja Pekka Länsman.

Válgadoaibmagoddi: Ságadoalli Sirpa Halonen, várreságadoalli Pentti Morottaja ja lahttu Erkki Malin ja várrelahtut Markku Siitonen, Oiva Guttorm, Lasse Kunttu, Rita Nurmenrinta ja Katriina Halonen.

#### **Evttohus:**

Giieldaráđđehus nammada riikabeaiválggaid válgalávdegottiid ja -doaibmagotti lahtuid.

**Mearráduš:**

Giieldaráđdehus nammadii riikkabeaiválggaid válgalávdegottiid ja válgadoaibmagotti lahtuid čuovvovaččat:

Vuovdaguoikka válgalávdegoddi: Ságadoalli Riitta Orti-Berg, várreságadoalli Jorma Olavi Nuorgam ja lahtut Tanja Niittyvuopio, Tarmo Pieski ja Niilo J. Rasmus sihke várrelahtut Antti Piera Valle, Hansa Rasmus, Marjo Leed, Laura Heikurainen ja Jani Guttorm (Nuvvus).

Girkosiidda válgalávdegoddi: Ságadoalli Tarja Halonen, várreságadoalli Marketta Vuolab ja lahtut Anne Forsell, Minna Saastamoinen ja Torkell Rasmussen sihke várrelahtut Liisa Valle, Juhani Harjunharja, Erkki Malin, Leena Aikio ja Armas Nuorgam.

Njuorggáma válgalávdegoddi: Ságadoalli Matti Junttila, várreságadoalli Johannes I. Halonen ja lahtut Aslat Jon Länsman, Titta Länsman ja Olavi Guttorm sihke várrelahtut Elli Aurala, Mia Koistinen, Esa Simonen, Lasse Johansen ja Pekka Länsman.

Válgadoaibmagoddi: Ságadoalli Oiva Guttorm, várreságadoalli Erkki Malin ja lahttu Katriina Halonen sihke várrelahtut Rita Nurmenrinta, Arto Ahlakorpi, Markku Siitonen, Lasse Kunttu ja Anniina Sujala.

Juohkin

Guovddášválgalávdegoddi  
Nammaduvvon lahtut

Gaskaboddosaš várrelahtuid nammadeapmi guovddášválgalávdegoddái

69/00.00.00/2022

Gr 20.02.2023 § 34

Válggaid doaimmaheamis gielddas fuolaha váldostivrra ásahan guovddášválgalávdegoddi. Lávdegoddi lea mearrádušválddálaš go das leat vihtta lahtu. Jus guovddášválgalávdegoddi várrelahttu lea jápmán dahje eastašuvvan dahje easttalaš, oažžu gielddaráđdehus dárbbu mielde mearridit gaskaboddosaš várrelahtu. Várrelahtut nammaduvvojit čuorvunortnegis. Guovddášválgalávdegotti ságadoalli galgá fuolahit das ahte lávdegoddi lea álo mearrádušválddálaš čoahkkimiin.

**Evttohus:**

Gielddaráđdehus nammada guovddášválgalávdegotti mearreáigásaš várrelahttun čuovvovaš olbmuid válggaide, mat ordnejuvvojit 2023, sii nammaduvvojit čuorvunortnegis:

Raija Lehmonen  
Heidi Keskitalo  
Juhan Länsman  
Pilvi Guttorm

**Mearráduš:**

Evttohus dohkkehuvvui.

Juohkin

Guovddášválgalávdegoddi  
Gaskaboddosaš várrelahtut

Eallinfápmo- ja teknikkalaš lávdegoddi	§ 15	09.02.2023
Gielddaráđđehus	§ 35	20.02.2023

---

## Eanaviidodagaid lonuheapmi

13/10.00.02/2023

## Ealteklg § 15

Eanaviidodagaid lonuheapmi lea eanaviidodatortnet, mainna buoriduvvo eanaviidodaga sadji ja beavttálmahtto eanageavaheapmi lonuhemiin sierra giddodagaide gullelaš viidodagaid gaskaneaset (KML 56-59 §). Eanaviidodagaid sáhtta lonuhit, jos giddodagaid eaiggádat das sohpet (eaktodáhtolaš eanaviidodagaid lonuheapmi). Eanaviidodagaid lonuheamis eai rievdaduvvo oamastanvuoigatvuođat, muhto dušše oamastanvuoigatvuođa čuožáhahkan Leahkki giddodagaid fysalaš olli. Eaktodáhtolaš eanaviidodagaid lonuheami oppalaš eavttut leat:

- eanaviidodagaid lonuheapmi ii oaččo dagahit hehttehusa giddodatvuogádaga čielggasvuhtii dahje čielga hehttehusa eanaviidodagaid lonuheapmái oasálaš giddodaga geavaheapmái (nappo jos goabbá nu ollašuvvá, eai eavttut)
- lonuhanláhkai viidodagat dahje oasit galget sullii árvvuset beales vástidit nuppiideaset daikke lonuhanláhkai viidodagaid dahje osiid árvu galgá leat vuollegis ja
- sajádatlávtaguovllus eanaviidodagaid lonuheapmi berre ovddidit tonttiid dahje heivvolaš huksensajiid hábmema dahje lávas meroštallon eará guovlovárremiid ollašuttima

Ovddabealde máinnašuvvon eavttut ollašuvvet. Lassin eanamihtidanlágádus lea gávnahan, ahte eanaviidodagaid lonuheapmi ii váttásmahte láva ollašuvvama, vaikko ii maiddá gal ollašuite láva.

Gielddaráđđehusa 28.03.2022 (gr 28.03.2022 §74) vuovdin tonte (890-401-10-12) nr 3 koartilis 6 lea golmmačiegahasa hápmásaš. Buoremus huksensadji tonttes lea golmmačiegahasa máttageažis. Tontte hápmi eastá huksema dasa.

Tontte 890-401-10-12 oastán Nilla Tapiola evttoha eallinfápmo- ja teknikkalaš lávdegoddá, ahte tontte hápmi rievdaduvvo eanaviidodagaid lonuhemiin nu, ahte tonttes šaddá njuolgočiegahasa hápmásaš. Dáinna eanaviidodatordnedemiin maid tontte 890-401-59-0 odđa hápmi dahká vejolažžan tontte buoret ávkinatnima dás ovddos. Odđa tonterádjá lea merkejuvvon alihiin. Giddodagaid viidodagat ja huksenvuoigatvuođat seilot ovddešláhkai. Lávvii merkejuvvon huksenvuoigatvuohta lea juhkon nu, ahte juohkinvuođustussan gávpegirjijis lea geavahuvvon giddodagaid viidodagaid gorri. Lassemateriálan eanaviidodagaid lonuhansoahpamuš.

Eallinfápmo- ja teknikkalaš lávdegoddi	§ 15	09.02.2023
Gielddaráđdehus	§ 35	20.02.2023

---



Giddodatinšenevra válmmaštalai

### **Doaimasuorgehoavdda evttohus:**

Eallinfápmo- ja teknikkalaš lávdegoddi evttoha gielddaráđdehussii, ahte gielddaráđdehus dohkkeha eanaviidodagaid lonuheami.

### **Mearrádus:**

Eeva Jaatinen gávnnahii iežas leat easttalaš, iige oassálastán mearrádusdahkamii.

Mika Aikio evttohii, ahte gielda ii lonut eanaviidodagaid, muhto vuovdá gieldda oamastan golmmačiegathápmásaš tontte lagabus gátti. Anni Ahlakorpi guottihii Aikio evttohusa.

Go čoaikkimis lei guottihuvvon evttohus, mii guoská golmmačiegathápmásaš tontte vuovdima, ságadoalli gávnnahii, ahte čađahuvvo nammačuorvunjienastus, mas JAA lea lávdegotti evttohus ja EI Mika Aikio guottihuvvon evttohus.

Jienastanortnet dohkkehuvvui. Čađahuvvon jienastusas addojedje oktiibuot 6 jiena, main JAA jienat 1 (Sammol Lukkari), EI jienat 4 (Pirjo Konttinen, Mika Aikio, Anni Ahlakorpi, Mika Koskenniemi), TYHJIÄ jienat 1 (Mirjami Kinnunen). Jienastusa vuodul lávdegoddi dohkkehii Mika Aikio evttohusa.

Eallinfápmo- ja teknikkalaš lávdegoddi evttoha gielddaráđdehussii, ahte gielddaráđdehusa vuovdá gieldda oamastan golmmačiegathápmásaš tontte lagabus gátti.

Eallinfápmo- ja teknikkalaš lávdegoddi	§ 15	09.02.2023
Gielddaráđđehus	§ 35	20.02.2023

---

Gr 20.02.2023 § 35

### **Evttohus:**

Gielddaráđđehus mearrida vuovdit eallinfápmo- ja teknikkalašlávdegotti evttohusa mielde gieldda oamastan tontte Nilla Tapiolai váldostivrra dohkkehan hattiin. Nilla Tapiola lea čálalaččat dohkkehan lasseviidodaga gávppi. Gielddaráđđehus fápmuda gielddahoavdda vuolláičállit gávpegirjji.

### **Mearráduš:**

Arto Pohjanrinne evttohii, ahte ášši gieđahallan sirdojuvvo gielddaráđđehusa čuovvovaš čoahkkimii sierra molssaeavttuid čielggadeami várás. Väinö Guttorm guottihii Arto Pohjanrinne evttohusa.

Ságadoalli gávnnahii, ahte čoahkkimis lei dahkkon guottihuvvon evttohus ášši gieđahallama sirdimis gielddaráđđehusa čuovvovaš čoahkkimii. Ságadoalli gávnnahii, ahte čađahuvvo nammačuorvunjienasteapmi, mas JAA lea ahte ášši gieđahallan jotkojuvvo ja EI ahte ášši gieđahallan sirdojuvvo čuovvovaš čoahkkimii. Jienastanortnet dohkkehuvvui. Jienat addojedje oktiibuot 6 st, mas JAA jienat 2 st (Marjatta Kordelin, Anni Ahlakorpi) ja EI jienat 4 st (Väinö Guttorm, Arto Pohjanrinne, Laura Niittyvuopio-Valle, Riikka Rasmussen). Jienasteami vuodul gielddaráđđehus mearridii sirdit ášši gieđahallama gielddaráđđehusa čuovvovaš čoahkkimii.

Eallinfápmo- ja teknikalaš lávdegoddi	§ 8	09.02.2023
Gielddaráđdehus	§ 36	20.02.2023

## Ohcejoga báhčínbánaprojeakta

7/10.03.01/2023

## Ealteklg § 8

Eränkävijät ja Reserviläisyhdistys leat ohcan ođđa báhčínbána báikki vulobeale kártaváldosii merkejuvvon guovllus Áilegas-duoddara davábeale vielttis. Guovlu lea Áilegasa geaidnuguoras boazoáiddi ja Deanu gaskkas. Daningo guovlu lea bodnečáhceguovlu, ohccojuvvu guovlu givvir- ja bistovlabánai.

Meahcceráđdehus bivdá Ohcejoga gieldda oainnu báhčínbánaprojektii.

**Doaimmasuorgehoavdda evttohus:**

Ohcejoga gielda guottiha eanaviidodaga láigoheami dán projektii.

**Mearrádus:**

Dohkkehuvvui evttohusa mielde.

Urho Guttorm vulggii eret čeahkkimis dán paragrafa giedahallama maŋŋá dmu 17.05.

Gr 20.02.2023 § 36

**Evttohus:**

Beavdegirjji dárkkisteaddjit:

Eallinfápmo- ja teknikkalaš lávdegoddi	§ 8	09.02.2023
Gielddaráđđehus	§ 36	20.02.2023

---

Ohcejoga gielda guottiha eanaviidodaga láigoheami dán projektii.

### **Mearrádus:**

Ságadoalli evttohii, ahte evttohus dievasmahtto ná:

"Ođđa báiki báhčínbánai lea ohcon juo mánggaid jagiid áigge, vuos Ohcejoga fuođđodikšunsearvi (Utsjoen riistanhoitoyhdistys) lea ohcan ja mannan jagi (2022) lea maid Ohcejoga researvaovttastus (Utsjoen reserviläisyhdistys) boahtán mielde. Jagiid mielde leat gehččojuvvon ainjuo vihtta báikki, muhto projeavttat leat álo gopmánan goas mange siva geažil.

Báikkiin, mat dán rádjai ledje evttohuuvon, buot buoremus livččii lean Skállovári geaidnuguoras (ng. Galbmageađggi/Kylmäkivi sulain), muhto dát báiki gahčai eret eanageavaheapmái laktáseaddji sierra oainnuid geažil.

Gielddaráđđehusa lahtut dihtet gal, ahte mánggat doaibmit ja joavkkut vuosttildit báhčínbána sajáidduhttima Ohcejoga Áilegassii ja mearrádus seammás heajuda Ohcejoga gieldda vejolašvuodaid ovddidit Áilegas duoddara lagašlihkadanguovlun.

Gielddaráđđehus atná goit dehálažžan báhčínbána oažžuma gosa nu Ohcejoga girkosiidna lahkosiidna (govttolaš gaskka duohkái) ja danin guottiha projeavtta ovdáneami Ohcejoga Áilegasas."

Gielddaráđđehus dohkkehii ságadoalli evttohan dievasmahtton evttohusa ovttamielalaččat.

Juohkin

Meahcceráđđehus



Eallinfápmo- ja teknikkalaš lávdegoddi	§ 9	09.02.2023
Gielddaráđdehus	§ 37	20.02.2023

---

Gielddainšenevrra virggi vuodđudeapmi

180/01.01.03/2013

Ealteklg § 9

Teknikkalaš doaibmasuorgái lea vuodđuduvvon lávdegotti mearrádusain 18.1.2022 giddodatinšenevrra doaibma, mii lea doaisttáži fámus. Teknikkalaš lávdegoddi lea válljen doibmii almmolaš ohcanmeannudeami bokte diplomainšenevra Mirja Savolainen 24.5.2022.

Giddodatinšenevra doaibmá giddodatfuolahusa ja čorgejeddjiid hoavdan, doallá ortnegis ja ovddida gieldda giddodatopmodaga. Bargui gullet jođihit ja gilvalahttit bajásdoalu ja ortnegisdoallama projeavttaid plánema sihke bearráigeahččo- ja huksehanbarggut.

Giddodatinšenevrra bargguide gullá maid Ohcejoga gieldda oamastan giddodatoasussearvvi Ringinvatro hovden ja fitnodatjodiheaddjin doaibman. Fitnodagain lea sohppojuvvon soahpamušain, ahte fitnodatjodiheaddji bargguide geavahuvvo 25% bargoáiggis.

Lassin teknikkalaš doaibmasuorgehoavdda jođiheami vuolde lea sohpon, ahte giddodatinšenevra vástida lávvaáššiin ovtas hüksendárkkisteaddjiin. Giddodatinšenevrra bargguide gullá maid daid áššiid válmmaštallan, mat gusket jođáhagaid, geahppa johtolaga ja almmolaš olgodaddanguovlluid.

Teknikkalaš doaimma bargguid oassálas ođđasit ordnedemiid geažil maid giddodatinšenevrra doaibmagova lea dárbu ođasmahttit čuovvovaččat:

1. Bargonamahusa rievdadeapmi gielddainšenevran. Láhka giddodatinšenevrra bargguin meroštallá gielddas doaibmi giddodatinšenevrra láhkageatnegahtton bargguid, mat laktásit stuorrát eanamihtideapmái ja eará bargguide, mat eai gula Ohcejoga giddodatinšenevrra bargguide. Bargonamahusa lea buorre rievdadit, amaset šaddat boastoáddejumit. Mánnggain eará gielddain Ohcejoga giddodatinšenevrra ovddasvástádusa vuollái gullelaš bargguin vástida gieldda/gávpotinšenevra.

2. Doaimma rievdadeapmi virgin. Giddodatinšenevra geavaha barggustis maid almmolaš eiseváldedoaimbaválddi, man sáhtá lága mielde geavahit dušše virggis doaibmi olmmoš. Teknikkalaš doaimma áššiid válmmaštallan ja ovdanbuktin eallinfápmo- ja teknikkalaš lávdegottis gáibida, ahte giddodatinšenevra lea virggis. Seammás giddodatinšenevrii boahtá ekonomalaš ovddasvástádus ja namačállinvuoigatvuohta gieldda giddodatáššiin (omd. gieldda giddodagaid šleađga- ja čáhcerhekegat, smávva giddodatháhkamat).

Beavdegirjji dárkkisteaddjit:

Eallinfápmo- ja teknikkalaš lávdegoddi	§ 9	09.02.2023
Gielddaráđđehus	§ 37	20.02.2023

---

Lassin gielddas hovdenbargguin doibmet dušše virgeolbmot.  
Nuppástusas eai leat váikkuhusat bálkái.

3. Giddodatinšenevra sirdojuvvo gielddainšenevrra virgái dalán go váldostivra lea virggi vuodđudeamis mearridan. Sirdimii lea olbmo iežas miehtan. Giddodatinšenevrra doaibma heaittihuvvo.

Válmmaštalli ja áššemeannudeaddji gielddahoavda, teknikkalaš  
doaibmasuorggi doaibmasuorgehoavda Taina Pieski.

#### **Doaibmasuorgehoavdda evttohus:**

Giddodatinšenevrra bargonamahus rievdaduvvo virggi vuodđudeami  
oktavuođas gielddainšenevran. Giddodatinšenevra sirdojuvvo  
gielddainšenevrra virgái dalán go váldostivra lea virggi vuodđudeamis  
mearridan.

Eallinfápmo- ja teknikkalaš lávdegoddi heaittiha dán maŋŋá  
giddodatinšenevrra doaimma.

#### **Mearrádus:**

Uula Tapiola vulggii eret čoačkkimis ovdal dán paragrafa gieđahallama  
dmu 17.14.

Dohkkehuvvui evttohusa mielde.

Gr 20.02.2023 § 37

#### **Evttohus:**

Gielddaráđđehus evttoha váldostivrii, ahte dat vuodđuda  
gielddainšenevrra virggi.

Dálá giddodatinšenevra lea miehtan sirdásit gielddainšenevrra virgái ja  
son sirdojuvvo dán virgái dalán go váldostivra lea mearridan virggi  
vuodđudeamis. Eallinfápmo- ja teknikkalašlávdegoddi heaittiha dán  
maŋŋá giddodatinšenevrra doaimma.

#### **Mearrádus:**

Evttohus dohkkehuvvui.

Juohkin

Váldostivra

Eallinfápmo- ja teknikkalaš lávdegoddi	§ 16	09.02.2023
Gielddaráđđehus	§ 38	20.02.2023

---

## Ohcejoga luossaguovddáščielggadusa álggaheapmi

## Ealteklg § 16

Ohcejoga gielda lea ožžon riikkabeivviid stáhtaruhtaválgagotti jagi 2023 juohkováriin 150 000 euro ođđa Luossaguovddáža čielggadanbargui. Gažaldat lea golmmajahkásaš sirdinmearreruđas, mii čujuhuvvo Ohcejoga gildii bargo- ja ealáhusministeriija ja Lappi lihtu bokte ng. AKKE-projeaktaruhtadeapmin. Ohcejohka doaimmaha Lappi lihttui vel ohcamuša ja ruhtadeapmi lea geavaheamis dan maŋhá.

Ohcejoga gielda hálida vuodđudit Luossaguovddáža, mii dorjjošii sihke guovllu eallinfámu ja johkasápmelaš kultuvrra seailuma. Ohcejohka gárttai fáhkkes ráhkadusnuppástusa dillái giđđat 2021 Deanu luossabivdogildosa čuovvumuššan. Gielddus lea joatkašuvvamin juo goalmmát geasi, iige luossanáliid ealáskeami boahttevuođa sáhte einnostit.

Luossaturisma leamašan Ohcejoga turismaealáhusa geađgejuolgi ja dehálaš dienas báikkálaččaide. Bivdogildosa negatiivvalaš váikkuhusat guovloekonomiijai leat juoba vihtta miljovvna euro jagis. Lassin gielddus riskere sámi rikkis luossabivdoárbevieru, mii lea leamaš juo mánga čuođi jagi, sihke dasa laktáseaddji kultuvrralaš ja gielalaš máhtu seailuma.

Luossaguovddáš doaimmašii Deanu luossabivddu ja árbedieđu áššedovdi- ja oktasašbargoorganisašuvdnan sihke álbmotlaččat ja riikkaidgaskasaččat. Guovddáža oktavuhtii lea oaivil ohcat maid oktasašbargoguimmiid dutkan- ja innovašuvdnadoibmii laktásettiin.

Luossaguovddáš sáhtášii doaibmat Deanu luossabivddu áššedovdi- ja oktasašbargoorganisašuvdnan Deanu guolledoalloguvlui ja sierra stáhtahálddahusa doaibmiide ja dutkanlágádusaide. Dat sáhtášii bálvalit ovdamearkka dihte LUKE dutkan- ja oktasašbargodárbbuid sihke doaibmat luossabivddu báikkálaš áššedovdin ovdamearkka dihte guovlohálddahusa organisašuvvnaide nugo ELY-guovddáži.

Luossaguovddáža bargun livččii vurket, ealáskahttit, bisuhit ja ain ovddidit luossabivdoárbevieru ja dan vuodul šaddi ođđa ealáhusaid. Luossaguovddáš bálvalivččii viidát árbedieđu hálddašeaddjiid ja báikkálašservošiid, skuvllaid, turismma, ja gieldda rájaid rasttildeaddji oktasašbarggu.

Ohcejogas leat juo mearkkašahtti ollu mávssolaš tinggat, govvamateriála ja jietnabáttit, mat laktásit Deanu guollebivdui. Lassin sierra arkiivvain ja dutkanlágádusain birra Suoma gávdnojit ollu Ohcejoga sápmelaččaid jearahallamat. Luossaguovddáš bálvalivččii dán mávssolaš ja rikkis kulturárbbi máhcaheami ja ovdan bidjama Ohcejoga sámeservošiid, ealáhuseallima ja turismma atnui.

Eallinfápmo- ja teknihkalaš lávdegoddi	§ 16	09.02.2023
Gielddaráđdehus	§ 38	20.02.2023

---

Čielggadusas váldojuvvo vuhtii maid heivvolaš osiin daid čielggadusaid diehtosisdoallu, mat gielddas leat ovdalis dahkkon.

Luossaguovddáža vuodđudeapmi dorjjošii vuodđolágas meroštallon sápmelaččaid vuoigatvuođa bajásdoallat ja ovddidit guollebivdoárbevrrui laktáseaddji gielaset ja kultuvrraset Deanu bivdoráddjehusas fuolakeahtá. Luossaguovddáš vástidivččii maid riikkabeivviid vuodđoláhkaválgagotti bealiváldimii (11.5.2022) Deanu guollebivdogildosii guoski láchkaevttohusa gieđahallama oktavuodas:

Stáhtaráđi lea buorre čielggadit, makkár eará doaimmaiguin sámiid vuoigatvuođa bajásdoallat ja ovddidit gielaset ja kultuvrraset sáhtá doarjut ja ovddidit guollebivddu ráddjemis fuolakeahtá.

Čielggadanprojeavttas dahkkojit plánat, maid vuodul sáhtá ohat ruhtadeami Luossaguovddáža ollašuhttima várás. Čielggadanbarggus lea oaivil válmmaštallat projektamearreruđaid olis luossaguovddáža bargguid ja rolla, organisašuvdnahámi, oktasašbargoguimmiid, ollašuhttinvuogi ja bargiid meari sihke vejolaš huksensaji ja sullii árvvoštallon huksengoluid mearreruđaid olis. Čielggadanbargu lea 15.3.2023-28.2.2024. Čielggadanbarggu dárkilut sisdoallu girjejuvvo projektaplánii ja čielggadusa gárvánanáigetávval sáhtá vel dárkkálmuvvat go válmmaštallan ovdána.

Čielggadanbargui válljejuvvo projektahoavda jođihit ja válmmaštallat čielggadanbarggu. Projektahoavdda gelbbolašvuođaeaktun leat bajit akademalaš loahppadutkkus, hárvánupmi projektadoaimmas ja eangalsgiela máhttu. Barggus dárbbášuvvo Deanu luossabivdoárbevriera ja johkasápmelaš kultuvrra dovdamuš sihke fáddái laktáseaddji čanusjoavkkuid dovdamuš. Erenomáš ánsun gehččojuvvo sáme giela čálalaš ja njálmálaš máhttu sihke juridihkalaš máhttu.

Čielggadanbarggu doarjjan ásahuvvo márggasuorggat stivrenjoavku, mas leat ovddasteaddjin gielddaráđdehusa nammadan olbmot/olmmoš, árbevirolaš guollebivddu, sámemusea sihke guollebivdui laktáseaddji dutkan-, ovddidan- ja innovašuvdnadoaimmasuorgi nugo LUKE ja Geavu dutkanstašuvdna. Stivrenjovkui gullet virgeolbmui gielddahoavda, eallinfápmohoavda ja projektahoavda, guhte doaimmá maid stivrenjoavkku čállin.

#### **Evttohus:**

Luossaguovddáža čielggadanprojekta álggahuvvo nu mo doarjjamearrádusas meroštallo. Čielggadanprojekta biddjo hálddahušlaš eallinfápmu doaimmasuorgái goit nu, ahte gielddahoavda doaimmá projeavtta vástuolmmožin.

Eallinfápmo- ja teknikkalaš lávdegoddi	§ 16	09.02.2023
Gielddaráđdehus	§ 38	20.02.2023

---

Evttohuvo gielddaráđdehussii, ahte Luossaguovddáža čielggadanprojektii ásahuvo stivrenjoavku gielddaráđdehusa mearrádusain. Fápmuduvvo gielddahoavda dahkat evttohusa mánggasuorggat stivrenjoavkku čoahkus.

Fápmuduvvo gielddahoavda välljet Luossaguovddáš-čielggadussii projeaktahoavdda áigodahkii 15.3.2023-28.2.2024 ja mearridit gieldda bálkáššeolmmožin projeaktahoavdda bálkkás.

#### **Mearrádus:**

Mirjami Kinnunen vulggii eret čoahkkimis dán paragrafa gieđahallama áigge dmu 19.13.

Dohkkehuvvui evttohusa mielde.

Gr 20.02.2023 § 38

#### **Evttohus:**

Luossaguovddáža čielggadanprojeakta álggahuvo nu mo doarjjamearrádusas meroštallo. Čielggadanprojeakta biddjo hálddahušlaččat eallinfámu doaibmasuorgái goit nu, ahte gielddahoavda doaibmá projeavtta vástuolmmožin.

Gielddaráđdehus mearrida ahte Luossaguovddáža čielggadanprojektii ásahuvo stivrenjoavku. Fápmuduvvo gielddahoavda dahkat evttohusa mánggasuorggat stivrenjoavkku čoahkus.

Gielddaráđdehus fápmuda gielddahoavda välljet Luossaguovddáš-čielggadussii projeaktahoavdda áigodahkii 15.3.2023-28.2.2024 ja mearridit gieldda bálkáššeolmmožin projeaktahoavdda bálkkás.

Gielddaráđdehus evttoha váldostivrii, ahte Luossaguovddáš-čielggadanprojektii mieđihuvvo lassemearruhta jahkái 2023 manut 120.000 euro, boađut 120.000 euro, netto 0 euro eallinfámu bušehtii projeaktanummárii, mii rahppo projektii. Jagi 2024 ossodat váldojuvvo vuhtii boahhte bušeahta ráhkadettiin.

#### **Mearrádus:**

Evttohus dohkkehuvvui.

Lassin mearriduvvui ovttamielalaččat, ahte gielddaráđdehus nammada iežas ovddasteaddji stivrenjovkui čuovvovaš čoahkkimis.

Juohkin

Váldostivra

Eallinfápmo- ja teknikkalaš lávdegoddi	§ 13	09.02.2023
Gielddaráđdehus	§ 39	20.02.2023

---

## Ohcejoga Master Plan -projeavtta ohcan

11/00.01.05/2023

## Ealteklg § 13

Ohcejoga gieldda ekonomalaš dilli lea duođaid váttis ja einnostusaid mielde bohtá joatkašuvvat dakkárin guhká. Vai gielda ceavzá, galgá dat bastit lasihit buot vearroboahitošlájaid: Dienasboahtovearu, giddodatvearu ja searvvušvearu. Ohcejoga ealáhusdoaimma lea árbevirolaččat vuođđuduvvan nana rádjegávpái, turismii ja boazoealáhussii. Turisma lea vuođđuduvvan erenomážit Deanu luossabivdui. Sihke rádjagávpi ja turisma leat gillán korona ja Deanu bivdogildosa dagahan ráhkadusnuppástusa váikkuhusain. Korona áigge oidnui maid viidasabbot Lappi boazodoalloguovllus turismma ja boazodoalu nana oktavuoha. Jagis 2019 dáhpáhuvván turismma bissáneapmi geahpedii sakka bohccobierggu jođu.

Mii Ohcejogas leat jo guhká oaidnán, ahte boahhtevuođa ealáhus lea suvdilis turisma. Mii leat ádden, ahte min luonddu ja sajadaga árvu lea turismii mearkkašahtti luossabivddu lassin. Dán kriisadilis gielddas lea dahkkon analysa ealáhusaid ovdáneami vejolašvuođain. Lea áddejuvvon, ahte positiivvalaš ekonomiijaovdáneapmái dárbbášuvvojit gielddas aktiivvalaš doaimmabijut. Árvvoštallamis nanosmuvai oaidnu, ahte turisma lea doaimmasuorgi, mas lea eanemus dakkár potentiála, mas oažžu oppalaš eallinfámu guvlui. Turismma ovdáneamis lea positiivvalaš váikkuhus buot gieldavearuhusa hámiide ja dat dárbbáša valjis bálvalusaid eará doaimmasurggiin, mat sáhttet ovdánit raddálagaidda turismmain. Bálvalusfálaldaga lassin johtu bohtá maid ovdamearkka dihte ođđa viessobuvttadeapmái, mii fas vástidivččii guovllu viessodárbei. Go turisma ovdána, dat lasiha iešguđetlágan bálvalusaid fálaldaga maiddáái báikkálaš ássiide lasihemiin ná guovllu oppalaš geasuhusa ja eallinfámu. Guovllu eallinfámu lassáneami sáhtta einnostit ovddidit maid báikkis sorjjasmeahtun fitnodagaid sajáiduvvama guvlui. Turismmas leat maid vejolašvuođat ovdánit buot golmma gilis.

Ohcejogas leamašan mañimus guovtti jagi áigge mánga projeavtta, mat laktásit fáhkkes ráhkadusnuppástussii. Daiguin lea geahččaluvvon ohcat vugiid ođđa ealáhusaid ovddideapmái. Sámi kulturárbbi nannen - projeakta nogai 31.12.2022 ja eará projeavttat nohket borgemánus-golgotmánus 2023. Dušše Teno Outdoor - sihkkelastinturisma-projeakta joatkašuvvá giđđadálvá 2024. Maiddáái dáin projeavttain dahkkon bargu lea nannen áddejumi turismmas boahhtevuođa guovddáš ealáhussan Ohcejogas.

Turisma ii sáhte lassánit ja ovdánit dušše gieldda doaimmaiguin ja gieldda resurssaiguin. Dárbbášuvvo čanusjoavkkuid nana oasálašvuohta ja čatnaseapmi ovttašohppojuvvon ulbmiliidda sihke

Eallinfápmo- ja teknikkalaš lávdegoddi	§ 13	09.02.2023
Gielddaráđđehus	§ 39	20.02.2023

servoša sosiálalaš dohkkeheapmi. Ohcejoga turismma ovdáneami várás lea dárbu dihtui vuodđuduvvi turismma Master Planii, man gárvvisteapmái lea oassálaston viidát. Dákkár prográmmas guovddáš doaimmat leat ee.

- Dálá dili analysa ja boahhtevuhtii guoski oainnut
- Turismma treanddaid reflekten ja benchmark-galledeamit Ohcejoga turismma perspektiivvas
- Analysa Ohcejoga turismma potentiálas
- Turismma ovdáneami ulbmiliid meroštallan
- Guovlluidegeavaheami plánen - Ohcejoga turismma doaibmabidjoprográmma čohkken
- Sierra doaibmiid gaskasaš oktasašbargomálla gárvvisteapmi
- Guovllu turismafitnodagaid buvttavuođideami doarjun.

Master Plan vehkiin Ohcejoga turismma ovdáneapmi vuodđuduvvá ovttas sohppojuvvon njuolggadusaide. Ovddideapmi gáibida gillilvuoda ja sierra ruhtadeaddjit oidnet guovllu dás ovddos beroštahti báikin. Projeakta boahdá oasiltis ollašuhttit ođđa gielstrategiija ja eanapolitihkalaš prográmma. Projeavttas gárvvistuvvon Ohcejoga turismma Master Plan buktovuvvo váldostivrii gieđahallanláhkai.

Lappi lihttu juolluda AKKE-ruhtadeami oanehisáigge ovddidan-, iskkadallan- ja čielggadanprojeavttaide, mainna ohcat ođđa čovdosiid dahje válmmaštallat stuorát ovddidanollisvuodaid. Ohcanláhkai submi sáhtá leat 80 000 euro ja das ohcci iešruhtadanoassi lea 20 proseantta. Čuovvovaš ohcan nohká 22.2. Submi dahká vejolažžan bajábealde govviduvvon barggu ollašuhttima.

AKKE-ruhtademiin sáhtášii ohcat Ohcejoga turismma Master Plan -projeavtta, mii dahkkojuvvošii oastobálvalusháhkamiin. Projeakta bisttášii 1.6.2023- 31.5.2024.

### **Eallinfápmohoavdda evttohus:**

Gielda ohcá Lappi lihtus 22.2. rádjai projeavtta Ohcejoga turismma Master Plan -projeavtta ollašuhttimii. Projeavtta ollašuhttináigi 1.6.2023-31.5.2024. Projeavtta ollesbušeahtta lea 80 000 euro ja dan iešruhtadanoassi lea 20 % dahjege 16 000 euro. Ohcamuša oktavuhtii dahkko projektaplána, mii doallá sisttis bajábealde máinnašuvvon temáid. Projeakta dahkkojuvvo oastobálvalussan, go fas eallinfámu doaibmasuorgi vástida projeavtta hálddahušlaš bargguin ja projeavtta diehtujuohkimis.

Eallinfápmo- ja teknikkalaš lávdegoddi evttoha gielddaráđđehussii ja ain váldostivrii lassemearreruđa projeavtta iešruhtadeami gokčama várás 16 000 euro projeavtta kontui eallinfámu bušehttii.

### **Mearrádus:**

<b>Ohcejoga gielda</b>		Beavdegirji	2/2023	40
Eallinfápmo- ja teknikalaš lávdegoddi	§ 13	09.02.2023		
Gielddaráđdehus	§ 39	20.02.2023		

---

Dohkkehuvvui evttohusa mielde.

Gr 20.02.2023 § 39

**Evttohus:**

Gielddaráđdehus dohkkeha ja evttoha ain váldostivrii dohkkehanláhkai lassemearreruđa Ohcejoga Master Plan -projektii manut 32.100, boadut 25.680, netto 6.420 euro projeaktanummirii, mii rahppo projektii eallinfámu bušehtii. Jagi 2024 ossodat váldo vuhtii boahhte bušeahta ráhkadettiin.

**Mearrádus:**

Evttohus dohkkehuvvui.

Juohkin

Váldostivra



<b>Ohcejoga gielda</b>		Beavdegirji	2/2023	41
Eallinfápmo- ja teknihkalaš lávdegoddi	§ 19	09.02.2023		
Gielddaráđdehus	§ 40	20.02.2023		

---

Lassemearreruhta Sami Game Jam -projektii

53/02.02.00/2022

Ealteklg § 19

Eallinfápmodoaibmasuorgái lea juolluduvvon jagis 2021 ruhtadeapmi Sami Game -projektii Ovtastuvvan stáhtaid ambassáda Small Grants (Yhdysvaltojen suurlähetystön Small Grants) -prográmmas. Prográmma ulbmilin lea doarjut erenoamážit nuoraide guoskevaš doaimma ja Ovtastuvvan stáhtaid ja Suoma gaskavuodaid. Ruhta lea juolluduvvon 20 000 dollára ja dan ulbmilin lea nannet sámiid ja Ovtastuvvan stáhtaid eamiálbmogiid oktasašbarggu. Ruhtademiin ordnejuvvojit speallandáhpáhusat fierpmis. Projeakta vuodđuduvvá jagiid 2015–2018 Ohcejoga Áilegas-guovddážiis lágiduvvon speallandáhpáhusaide. Projeavtta ollašuttinái lei álgoálgosaš projeaktaplánas jahki 2022, muhto koronapandemiija geažil projektii ohccojuvvui nuppástusohcamušain lassiaigi geasi 2023 rádjai.

Dán rádjai projeakta lea ordnen guokte bargobaji jagis 2023. 3.-5.1.2023: Interactive storytelling with Twine ja Game design with Bitsy. Bargobájit lágiduvvojedje oktan ollisvuohtan. Jagis 2023 lea dán lassin ulbmil ordnet velá guokte bargobáji: Imagining Indigenous Worlds with Unity ja 7th Gen Tech Design with Blender.

Ruhtadeaddji lea dán rádjai juolludan ruhtadeami 10956 euro. Das lea geavahuvvon 3930 euro. Projeaktabušehta ruđas lea geavatkeahhtá velá 14310 euro. Mearreruđa galgá ohcat ruhtadeaddjis dollára mielde, mii máksojuvvo ohccái beaivvi kurssa mielde. Dan dihte loahpalaš ohccojuvvon euromearri lea árvalus. Dollára kurssa gerddonin lea dás geavahuvvon 2.2.2023 kurssa vástideaddji lohku 0,91 buot eará loguid oasil baicce jo juolluduvvon 10956 euro oasil, mii lea nuppástuhtton euro mearrin máksinbeaivve fámus orron kurssa mielde.

Sami Game Jam lea báhcán vuhtii válddekeahhtá jagi 2023 eallinfámu bušeahhtaárvalusas. Vai projeakta sáhtá ollašuvvat plána mielde, galggašii eallinfápmodoaibmasuorgi ohcat jahkái 2023 mearreruhtabadjelmannama 14310 euro, mii čujuhuvvo eallinfámu projeavttaid goasttádusbaikái, Sami Game Jam-projektii.

### **Eallinfápmohoavdda evttohus:**

Lávdegoddi evttoha gielddaráđdehussii ja ain váldostivrii lassemearreruđa: manut 14310 euro, boađut 14310 euro, netto 0 bajábealde ovdanbuktojuvvon jagi 2023 doaibmabijuid várás.

### **Mearráduš:**

Dohkkehuvvui evttohusa mielde.

Beavdegirjii dárkkisteaddjit:

<b>Ohcejoga gielda</b>		Beavdegirji	2/2023	42
Eallinfápmo- ja tehnikkalaš lávdegoddi	§ 19	09.02.2023		
Gielddaráđđehus	§ 40	20.02.2023		

---

Ságadoalli loahpahii čoahkkima dmu. 19.20.

Gr 20.02.2023 § 40

**Evttohus:**

Gielddaráđđehus dohkkeha ja evttoha ain váldostivrii dohkkehanláhkai lassemearreruđa Sami Game jam -projektii manut 14310 euro, boadut 14310 euro, netto 0 bajábealde ovdanbuktojuvvon jagi 2023 doaibmajuid várás.

**Mearrádus:**

Evttohus dohkkehuvvui.

Juohkin

Váldostivra

ÄRM (fáhkkes ráhkadusnuppástus) -projeavttaid dili birra oanehaččat

Gr 20.02.2023 § 41

Eallinfápmohoavda Tanja Lepistö muitala ÄRM-projeavttaid dili birra oanehaččat.

**Evttohus:**

Merkejuvvo diehtun.

**Mearrádus:**

Eallinfápmohoavda Tanja Lepistö muitalii Ärm-projeavttaid dili birra oanehaččat.

Merkejuvvui diehtun.

Ruhtadoalu dili birra

Gr 20.02.2023 § 42

Gullat ruhtadoalu dili birra.

**Evttohus:**

Merkejuvvo diehtun.

**Mearrádus:**

Merkejuvvui diehtun.

Doaibmaorgánaid mearrádusat

Gr 20.02.2023 § 43

Lávdegottiid beavdegirjiid galgá doaimmahit gielddahovdii njealji beavvi siste beavdegirjii dárkkisteamis. Giieldaráđđehusas lea váldinvuoigatvuohta lávdegottiid, iežas juhkosa ja iežas vuollásaš jodihangotti ja virgedoalli mearrádusaide. Váldinmearrádusa sáhtá dahkat giieldaráđđehus dahje dan ságadoalli, gielddahoavda dahje jodihannjuolggadusas mearriduvvon virgedoalli. Váldinvuoigatvuođa galgá geavahit manimustá vuigengáibádusáiggis. Geavadis gielddahoavda dárkkista lávdegottiid mearrádusaid. Go giieldaráđđehus váldá beali váldinvuoigatvuođa geavahussii, merkejuvvojit dasa doaimmahuvvon beavdegirjiit diehtun ja seammás mearridit, ahte váldinvuoigatvuohta ii geavahuvvo áššiide, maid beavdegirjiit sisttisdollet. Beavdegirjiid kopijiat eai laktojuvvo giieldaráđđehusa beavdegirjái, muhto dat galget leat lahtuid geavahas giieldaráđđehusa čoahkkimiin.

Čuovvovaš doaibmaorgánaid beavdegirjiit leat oaidninláhkai čoahkinbáikkis:

Čuvgehuslávdegoddi 1.2.2023, Eallinfápmo- ja teknikalaš lávdegoddi 9.2.2023.

#### **Evttohus:**

Giieldaráđđehus merke diehtun doaibmaorgánaid mearrádusaid ja gávnna, ahte váldinvuoigatvuohta GieldaL 51 § mielde ii leat geavahuvvon.

#### **Mearrádus:**

Evttohus dohkkehuvvui.

Áššit diehtun

Gr 20.02.2023 § 44

**Evttohus:**

Giieldaráđdehus merke ahte, dát áššebáhpárat leat bohtán dan dihtui:

Kela

- Buresveadjinguovlluid álggahus nuppástahtii áššehas- ja pasieantadieđuid geavaheami – Omakanta bálvala ovddeš láhkai

Lappi lihttu

- Stivrra 23.1.2023 beavdegirji

Eanan- ja meahccedoalloválgoddi

- Válgoddi cealkámuš MmVL 34/2022 vp - HE 274/2022 vp, Ráđdehusa evttohus riikabeivviide láhkan sámediggelágas addojuvvon lága ja rihkuslága 40 logu 11 § rievdeamis

Oahpahusráđdehus

- Oahpahus- ja kulturministeriija mearrádus ovda- ja vuođđooahpahuslága ovtadathattiin jahkái 2023, mearrádus idit- ja veaigedoaimma ovtadathattis jahkái 2023, mearrádus ruhtadeamis oahpahus- ja kulturdoaimma várás jahkái 2023, mii juolluduvvo stáhtaossodagas

**Mearrádus:**

Merkejuvvui diehtun.

Gielddaráđdehus	§ 146	05.09.2022
Eallinfápmo- ja teknikalaš lávdegoddi	§ 14	09.02.2023
Gielddaráđdehus	§ 45	20.02.2023

---

Giddodatbargojoavkku evttohus boares skuvlagiddodagaid geavaheamis

51/00.02.01/2022

Gr 05.09.2022 § 146

Ohcejoga gielddas ođđa skuvladoaibmadáluid mielde buot giliguovddážiin leat báhcán guorusin mearkkašahtti mearri giddodagat, maid geavahanulbmilis ii leat ovdal mearriduvvon. Guoros doaimalanjaid geažil gártet gildii ligen- ja giddodatfuolahusgolut, mat jagiid mielde sáhttet šaddat mearkkašahtti ekonomalaš losádussan. Lassin giddodagat sajáiduvvet giliguovddážiid árvvusadnojuvvon tonttiide.

Bargojoavkku bargun lea čielggadit ovddeš skuvlavisttiid bajásdoallogoluid, huksenteknikkalaš geavahanvejolašvuoda sihke guorahallat doaimalanjaid vejolaš ođđa geavahanvugiid. Árvvoštallama vuložin sáhttet boahit maid muhtin giddodagaid burgin. Doaimalanjaid boahteáiggi geavahanulbmil berre nannet gieldda eallinfámu goasttádusbeaktilis doaimamáalle mielde. Bargojoavkku bargu lea teknikkalaš doaimasuorggi viidásut, nu ahte dat gokčá gieldda buot doaimasurggiid dárbbuid ja oaidninvugiid. Danne bargojovkui lea dehálaš oažžut buot hálddahusgottiid áššedovdamuša. Bargojovkui gullet čuovvovaš virgeolbmot: giddodathoavda Markku Porsanger, eallinfápmohoavda Tanja Lepistö ja čuvgehushoavda Virpi Veskonieni. Bargojoavkku čállin doibme giddodatinšenevra Mirja Savolainen.

Energiija hatti leat einnostan badjánit boahte dálvve mearkkašahtti ollu. Ohcejoga gieldda juksanáigumuššan lea sáhttit geahpedit energiija geavaheami iežas giddodagain. Guorahallama vuodđun teknikkalaš doaimma guorahallá buot gieldda oamastan giddodagaid šleađga- ja oljolliggen-goasttádusaid čakčamánu loahpa rádjai. Guorahallama bokte viggat oažžut dieđu guđege giddodaga liggemii geavahuvvon goluin. Dát diehtu lea dárbbaslaš go smiehttat ovddeš skuvlagiddodagaid boahteáiggi geavaheami.

#### **Evttohus:**

Gielddaráđdehus vuodđuda bargojoavkku čielggadit boares skuvlagiddodagaid geavaheami. Gielddaráđdehus nammada bargojovkui jo nammaduvvon virgeolbmuid lassin vihtta luohttámušolbmo/teknikkalaš lávdegotti lahtu, geain lea máhttu ja beroštupmi huksen- ja giddodatsuorggis ja mii vuhtii váldá ahte mielde leat ovddasteaddjit buot golmma giliguovddážis. Bargojoavkku sáhtta ordnet giliguovddážiin viidásut geahčalmasaid ja dilálašvuodaid, maida leat buresbohtán buot gielдалažžat.

Beavdegirjji dárkkisteaddjit:

Gielddaráđdehus	§ 146	05.09.2022
Eallinfápmo- ja teknikkalaš lávdegoddi	§ 14	09.02.2023
Gielddaráđdehus	§ 45	20.02.2023

Bargojoavkku doaibmabadji lea guovvamánu 2023 lohppii.

### **Mearrádus:**

Evttohus dohkkehuvvui.

Gielddaráđdehus nammadii čuovvovaš olbmuid bargojoavkku lahttun: Mika Aikio, Vesa Länsman, Ismo Manninen, Sammol Lukkari, Marjatta Kordelin ja Eeva Jaatinen. Merkejuvvui beavdegirjái, ahte bargojoavkku vuosttas čoahkkima bovde giddodatinšinevra Mirja Savolainen. Bargojoavku vállje ságadoalli iežas lahtuin.

### **Ealteklg § 14**

Bargojoavku dárkkistii giddodagaid 19.10.2022 Gáregasnjárgga boares skuvllas ja 20.10.2022 Ohcejohnjálmmi boares skuvllas sihke Njuorggáma boares skuvllas. Bargojoavku čoahkkani guktii Teams-čoahkkimii, 20.9.2022 ja 30.11.2022. Bargojoavku čohkkii barggus raportta (lassemateriálan).

Válmmaštala giddodatinšenevra

### **Doaibmasuorgehoavdda evttohus:**

Bargojoavkku mearrádusevttohusat leat čuovvovaččat – duogážat, maida dát evttohusat vuodđuduvvet, gávdnojit bargojoavkku dahkan raporttas:

1. Gáregasnjárga – ovddeš boradanviessu Burgojuvvojit buot lavttat (čáhce-, šleađga- ja liekkaslavttat) giddodagas ja bossojuvvojit bohccit guorusin.
2. Gáregasnjárga – skuvlaviesu siidoassi, man vuollegearddis lea giddodatoppalašvuoda liggenguovddáš Dahkat dušše vealtameahtun divvumiid dainna jurdagiin, ahte giddodat lea geavahas čuovvovaš logi jagi. Ja sajiide plánet nuoraide, gieldda ordnen asttuáiggedoaimmaide sihke gili olbmuid asttuáiggedoaimmaide doaibmasajiid. Joatkit viesu láigoheami dan rádjai go láigolačča ealáhatahki álgá (gieldda bargi).
3. Ohcejohnjálmmi skuvla Botkejuvvo Ohcejohnjálmmi skuvlagiddodat ovddeš rektora lanja buohta. Boadáhat, mas lea mannon boradansadjái, báhcá botkema olggobeallái. Dat oaivvilda dan, ahte giddodaga elrávdnjeguovddáš sirdojuvvo dan oassái, mii báhcá geavahussii. Biddjojuvvo oppa máttabeđo vuovdimassii. Vuovdinláhkai oassái berre dahkat iežas elrávdnje- ja čáhcelavttaid. Dahkkojuvvo almmolaš vuovdinalmmuhus.
4. Áilegas-dálut, máttit ja davit.



Gielddaráđdehus	§ 146	05.09.2022
Eallinfápmo- ja teknikalaš lávdegoddi	§ 14	09.02.2023
Gielddaráđdehus	§ 45	20.02.2023

Mannat sierra hálddahušgottiiguin giddodagaid ávkkástallanvejolašvuodaid čađa ja dárbbu mielde álggahat giddodagaid vuovdaleami maid olggobeale geavaheaddjiide. Máttit Áilegas-dállu heive ee. gáiddusbargolatnjan.

Bidjat Áilegas-dáluide áibmočáhceliggenbumppaid geassit 2023. Investeremiidda ferte ohcat lassemearruđa.

#### 5. Njuorgán

Guođđit boares skuvlaviesu galmmasin ja vuovdit Metosa gievkkana. Skuvlla ja gili geavahusas Leahkki skeittángiitti jieknudeapmi heitojuvvo. Jieknudat skuvlla geavahussii ng. korespábbagiitti, mii lea boares skuvlla šiljus. Dáinna oážžu mearkkašahtti seastimiid maid čáhcegeavahusas, dasgo korespábbagiitti jieknudeapmái dárbbášuvvon čáhcemearri lea dušše uhca oassi stuorra giitti jieknudeapmái dárbbášuvvon čáhcemearis.

Lihkadanhálla sisttisdoalli viessu doalahuvvo geavahusas dušše vealtameahtun divvumiiguin čuovvovaš 5 jagi. Giddodahkii biddjo áibmočáhceliggenbumpa geassit 2023. Giliolbmot sáhttet geavahit viesu luohkkálanja asttuáiggedoaimmaide.

#### **Mearráduš:**

Dohkkehuvvui evttohusa mielde.

Gr 20.02.2023 § 45

#### **Evttohus:**

Gielddaráđdehus dohkkeha iežas oasil, ahte bargojoavkku evttohan doaimmaid válmmaštallan jotkojuvvo. Lassemearruđa eaktudan doaimmaid galgá sierra válmmaštallat gielddaráđdehusea ja váldostivrra gieđahallamii. Gieldda oamastan giddodagaid vuovdinmálla válmmaštallo sierra gielddaráđdehusea ja váldostivrra gieđahallamii.

#### **Mearráduš:**

Evttohus dohkkehuvvui.

Juohkin

Teknikkalaš doaibma

SámiSoster Rs bivdda searvvi doaimma doarjumis

Gr 20.02.2023 § 46

SámiSoster rs lea jagis 1997 vuodđuduvvon riikkaviidosasá sápmelaččaid sosiála- ja dearvvasvuodásuorggi searvi. SámiSoster rs ordne sáme- ja/dahje suomagielat veardásašdoarjaga, leairraid, dáhpáhusaid, buresveadjinbeivviid, joavkodoaimmaid, áššedovdilogaldallamiid, ovddidandoaimmaid ja sohkačuolvvaid gaskasaš ovtastallama.

SámiSoster Rs ohcá Ohcejoga gielddas doaimmadoarjaga 6000 euro vai sáhtá joatkit diibmá bures johtui vuolgán Birgen Ruovttus doaimma Ohcejogas jagis 2023.

Ohcejoga gielda ii leat ovdal dorjon njuolga ruđalaččat searvvi doaimma dego eará Sámevuovllu gielddat. Ohcejoga gieldda sosiálabargiid bargoáigi lea goit čujuhuvvon SámiSoster dáhpáhusaide ee. boarrásiid- ja bearašbarggus. Eará gielddaid mearran doarjja SámiSosterii:

- Eanodat: 6000 e/j
- Soađegilli: 6000 e/j
- Anár: 8000 e/j

Birgen Ruovttus doaimma ulbmilin lea nannet ja ovddidit agáiduvvi ja ahkeolbmuid ja maid oapmahašdikšuid buresveadjima. Doaimma bokte láchit vejolašvuodaid ja eavttuid olbmuid oasálašvuhtii ja jierpmálaš dahkamii vuollegis šielmmá deaivvadanbáikkiin, joavko- ja oktagasdoaimmain.

Eará gielddain, baicce Ohcejogas, doaimmá vuollegis šielmmá deaivvadanbáiki. Ohcejogas doaimmá ng. johti deaivvadanbáiki. Čoahkkaneamit leat Gáregasnjárggas gilidállu Sáivvus, Ohcejoga girkosiidnas searvegoddedálus ja Njuorggámis rohkosviesus. Čoahkkaneamit leat leamaš vahkkosaččat.

Buot njealji gielddas doaimmii gullá maid searvvi ollašuttin bargu, áššehasa ruovttus fitnan, man čuožahatjoavkun leat boarrásat, geain lea váttis oassálastit joavkodoaimmii dahje dárbbasit persovnnalaš oahpisteami bálvalusaid ohcamii/ geavaheapmái jna. Oapmahašdikšuid joavkodoaimma lea Eanodagas ja Ohcejogas.

Ohcejogas gaskkat leat guhki ja doaimma lea oppa gieldda guovllus. Mátkegolut bohtet ollu. Justa Ohcejogas dárba lea stuoris. Jagis 2022 joavkkut leat čoahkkanan 63 háve ja sáme kultuvrii guoskevaš servodatlaš dáhpáhusat ledje 30. Oassálastit j. 2022 leamašan 684. Oapmahašdikšuid joavkkus lea leamaš 11 oapmahašdikšu ja joavku lea čoahkkanan 7 háve/j ja dán lassin oapmahašdikšut oassálaste searvvi lágidan oapmahašdikšuid leirii.

Oassálastiid mearri lea lassánan Ohcejogas ovddit jagiid ektui ja bohtosat olbmuid árggas leat hui positiivvalaččat ee. searvvušlašvuodadovdu ja veardásašdoarjja leat nannon, diehtujuohkin, sámegeiela geavahus doaimmas vásihuvvo illuáššin. Ohcejogas doaimma leage ollásit sámegillii.

Sámeovuollu eará gielddat leat lohpidan ruhtadit jagi 2023 searvvi doaimma, dassáži go buresveadjinguovlu fidne gárvvisin searvvi doarjjamálle boahtte jahkái. Riikkaviidosaš ja guvllolaš sode-suorggi organisašuvnnaid ja servviid doarjjadoaimma gullá buresveadjinguovllu ovddasvástádussii. Gielddat ovddasvástidit báikkálaš sode-servviid doarjagiin nu hálidettiin.

#### **Evttohus:**

Gielddaráđdehus addá vuoigatvuoda gielddahovdii ruhtadančovdosis ráđđádallat. Gielddaráđdehus mearrá evttohit váldostivrii, ahte Ohcejoga gielda mieđiha eanemustá 5000 euro háválás doarjaga SámiSoster Rs:i jahkái 2023. Mearreruhta čujuhuvvo čuvgehusdoaimma mearreruđaide.

#### **Mearrádus:**

Evttohus dohkkehuvvui.

Juohkin

Váldostivra

**Nuppástusohcangildosat**

<b>Gildosiid vuoddu</b>	Čuovvovaš mearrádusain ii giieldalága 136 § mielde oaččo dahkat vuigengáibádusa iige gieldaváidaga, dasgo mearrádus guoská dušše válmmaštallama dahje ollašuhttima: Paragráfat 19, 20, 21, 22, 24, 28, 29, 32, 35, 36, 37, 38, 39, 40, 41, 42, 43, 44, 46
	Dasgo mearrádusas sáhtá dahkat giieldalága 137 § 1 mom. mielde čálalaš vuigengáibádusa, de čuovvovaš mearrádusaide ii oaččo ohcat nuppástusa váidimiin: Paragráfat 23, 25, 26, 27, 30, 31, 33, 34, 45
	Hálddahušlágageavahanlága (HallintolainkäyttöL) 5 § / eará lánkaásahusa mielde čuovvovaš mearrádusaide ii oaččo ohcat nuppástusa váidimiin. Paragráfat ja váidingildosiid vuđđosat

**Vuigengáibádusrávvagat**

<b>Vuigen- gáibádus- virge- oapmahaš ja -áigi</b>	Čuovvovaš mearrádusaide duhtameahtun olmmoš sáhtá dahkat čálalaš vuigengáibádusa. Virgeoapmahaš, geasa vuigengáibádus dahkkojuvvo, čujuhus ja poastačujuhus:  <b>Ohcejoga gielddarádđehus PL 41 99981 Ohcejohka</b>  Paragráfat 23, 25, 26, 27, 30, 31, 33, 34, 45  Vuigengáibádusa galgá dahkat 14 beavve siste mearrádusa diehtunoažžumis. Vuigengáibádusáiggi rehkenasttedettiin diehtunoažžunbeaivi ii váldojuvvo lohku. Gieldda lahttu gehččojuvvo ožžon mearrádusas dieđu čieža beavve geažes das, go beavdegirji lea biddjon oaidnin lánkai almmolaš diehtofierbmái.
<b>Vuigen- gáibádusa sisdoallu</b>	Vuigengáibádusas galgá boahit ovdan gáibádus oktan vuđđosiiguin ja dan galgá dahkki čállit vuollái.

**Váiddačujuhus**

<b>Váiddavir- geoapma- haš ja váidináigi</b>	Čuovvovaš mearrádusaide oažžu ohcat nuppástusa čálalaš váidagiin. Vuigengáibádusas addojuvvon mearrádussii oažžu ohcat nuppástusa gieldaváidagiiguin dušše dat, gii lea dahkan vuigengáibádusa. Jos mearrádus lea vuigengáibádusa geažil nuppástuvvan, de mearrádussii oažžu ohcat nuppástusa gieldaváidagiiguin maidái áššáiosolaš sihke gieldda lahttu.
	Váiddavirgeoapmahaš, čujuhus ja poastačujuhus  Pohjois-Suomen hallinto-oikeus Uksačujuhus: Isokatu 4, Oulu Poastačujuhus: PL 189 90101 OULU
	Gieldaváidda, paragráfat  Hálddahušváidda, paragráfat
Eará váiddavirgeoapmahaš, čujuhus ja poastačujuhus	Paragráfa  Váidináigi beavvi  beavvi  beavvi

	Váidináigi álgá mearrádusas dieđu oažžumis. Váidináiggi rehenasttedettiin diehtunoažžunbeaivi ii váldojuvvo lohku.
--	--

**Laktojuvvo beavdegirjái**

<b>Váiddagirji</b>	<p>Váiddagirjiis galgá almmuhit</p> <ul style="list-style-type: none"> <li>- váidi nama, poastačujuhusa, ruovttugieldda ja telefonnummira</li> <li>- mearrádusa, masa ohcá nuppástusa</li> <li>- man ráje mearrádusas váidojuvvo ja nuppástus, mii dasa gáibiduvvo dahkat</li> <li>- nuppástusgáibádusa ákkaid</li> </ul> <p>Váiddagirji galgá váidi dahje váiddagirji eará ráhkadeaddji vuolláičállit. Jos dušše ráhkadeaddji lea vuolláičállán váiddagirji, de das galgá máinnašit maiddá ráhkadeaddji ássangiellada, poastačujuhusa ja telefonnummira.</p> <p>Váiddagirjái galgá laktit mearrádusa, mas váidá, álgoálgosažžan dahje virggi beales riektadin duodaštuvvon kopiijan sihke duodaštusa das man beavve mearrádus lea addojuvvon diehtun dahje eará čilgehusa, man rájes váidináigi galgá lohkojuvvot.</p>
<b>Váiddaášše girjiid doaimma-heapmi</b>	<p>Váiddaáššegirjiid galgá doaimmahit váiddavirgeoapmahažžii ovdal váidináiggi nohkama. Jos váidináiggi mañimus beaivi lea bassebeaivi, iehčanasvuodabeaivi, válborebeaivi, juovla- dahje jonsotruohtta dahje árgalávvardat, de váiddaáššegirjiid oazžu doaimmahit váiddavirgeoapmahažžii vuosttas beavve dan mañjá. Iežas ovddasvástádusain váiddaáššegirjiid sáhtta sáddet poastta dahje áirasa mielde. Postii váiddaáššegirjiid berre guođđit nu áiggil, ahte dat gerget boahit ovdal go váidináigi nohká.</p> <p>Váiddaáššegirjiid sáhtta doaimmahit maid: namma, čujuhuse, poastačujuhuse      Paragrafat</p> <p>Váiddaáššegirjiid galgá doaimmahit 1): namma, čujuhuse, poastačujuhuse      Paragrafat</p>
<b>Lasse-dieđut</b>	<p><b>Dárkilis vuigengáibádusráva/váiddačujuhuse laktojuvvo beavdegirji váldosii.</b></p>

<sup>1)</sup> Jos doaimmahuvvo eará sadjái go váiddavirgeoapmahažžii.